

Samkvæmt lögum og reglugerðum mega merkingar á umbúðum fóðurs ekki vera villandi fyrir kaupendur vörunnar, sérstaklega hvað varðar eiginleika fóðursins, samsetningu, geymsluþol og fleira. Einnig má ekki taka fram eiginleika sem ætla má að allt sambærilegt fóður hafi.

Merkingar skulu vera greinilegar, auðlæsilegar og á opinberu máli þess lands þar sem varan er seld.

Fyrirtæki eða einstaklingar sem setja fóður á markað eru jafnframt ábyrg fyrir merkingum þess.

Í merkingum eða leiðbeiningum með fóðri má ekki taka fram að það lækni, komi í veg fyrir eða lini ákveðna sjúkdóma eða heilsufarsvandamál.

Upplýsingar sem eiga að vera á öllu fóðri

- Gerð fóðurs skal tekin fram (fóðurefni, heilfóður, fóðurbætir o.s.frv.).
- Heiti og heimilisfang fyrirtækisins sem er ábyrgt fyrir merkingunum, samkvæmt skráningu
- Matvælastofnunar.
- Lotunúmer (framleiðslunúmer) fóðursins
- Nettóþyngd eða rúmmál, sé um vökva að ræða.
- Listi yfir aukefni í fóðrinu.

Upplýsingar sem eiga að vera á öllum fóðurblöndum:

- Tegundir og gerð dýra sem fóðrið er ætlað.
- Leiðbeiningar um notkun fóðursins.
- Heiti og heimilisfang framleiðanda, eða samþykkisnúmer hans, sé framleiðandi annar en sá sem ábyrgist merkingar fóðursins.
- Geymsluþol, notist fyrir dagsetning, eða best fyrir mánuður.
- Hráefnalisti fyrir fóðrið sem ber fyrirsögnina "samsett af". Þar skulu koma fram heiti allra hráefna sem eru í fóðrinu í fallandi röð eftir magni.
- Í heilfóðri skal taka fram hlutföll próteina, trefja, fitu og ösku. Einnig skal taka fram öll viðbætt aukefni.

Lögboðnar viðbótarkröfur varðandi merkingar gæludýrafóðurs

Á merkimiða gæludýrafóðurs skal tilgreina gjaldfrjálst símanúmer eða annan viðeigandi samskiptamiðil sem kaupandi getur notað til að nálgast upplýsingar til viðbótar við lögboðnar upplýsingar varðandi:

- fóðuraukefnin í gæludýrafóðrinu og
- fóðurefnin sem eru í gæludýrafóðrinu og eru tiltekin eftir flokki.

Upplýsingar um greiningarefni

Merkingarupplýsingar um fóðurefni og fóðurblöndur fyrir dýr sem gefa ekki af sér afurðir til manneldis

I. kafli. Merking fóðuraufna eins og um getur í f-lið 15. gr. og 1. mgr. 22. gr.

1. Tilgreina skal eftirfarandi aukefni ásamt sérheitum þeirra, eins og skilgreint er í viðeigandi lagagerningi þar sem veitt er leyfi fyrir viðkomandi fóðuraufni, og/eða kenninúmer, magnið sem bætt er við, og heiti virka hópsins, eins og mælt er fyrir um í I. viðauka við reglugerð (EB) nr. 1831/2003, eða flokksins sem um getur í 1. mgr. 6. gr. þeirrar reglugerðar:
 - a. aukefni þar sem kveðið er á um hámarksinnihald fyrir hvers konar marktegund,
 - b. aukefni sem tilheyrir flokknum „dýraræktaraukefni“ og „hníslalyf og vefsvipungalyf“,
 - c. aukefni sem tilheyrir virka hópnium „þvagefni og afleiður þess“ í flokknum „viðbætt næringarefni“ eins og mælt er fyrir um í I. viðauka við reglugerð (EB) nr. 1831/2003.

2. Þrátt fyrir 1. mgr. þarf aðeins að tilgreina virka hópinn þegar um er að ræða aukefni í virku hópnum „rotvarnarefni“, „bráavarnarefni“ og „litarefni“, eins og mælt er fyrir um í I. viðauka við reglugerð (EB) nr. 1831/2003.
Í því tilviki skal sá sem ber ábyrgð á merkingum veita kaupanda upplýsingar skv. 1. mgr. ef hann fer fram á það.
3. Tilgreina skal heitið, sem mælt er fyrir um í viðeigandi lagagæringu þar sem veitt er leyfi fyrir viðkomandi fóðuruakefni, og viðbætt magn fóðuruakefnisins ef lögð er áhersla á það í merkingum, með orðum, myndum eða myndrænni útfærslu, að það fóðuruakefni sé í fóðrinu.
4. Aðilinn sem ber ábyrgð á merkingunum skal upplýsa kaupanda um heiti, kenninúmer og virka hóp fóðuruakefnanna sem ekki eru nefnd í 1. mgr., ef hann fer fram á það.
5. Fóðuruakefni sem ekki eru nefnd í 1. mgr. má tilgreina að eigin frumkvæði á eyðublaðinu sem mælt er fyrir um í 1. mgr., eða að hluta til.
6. Ef skynræn aukefni eða fóðuruakefni með næringarfræðilega eiginleika eins og um getur í I. viðauka við reglugerð (EB) nr. 1831/2003 eru tilgreind að eigin frumkvæði skal tilgreina viðbætt magn þeirra.
7. Ef aukefni tilheyrir fleiri en einum virku hópnum skal tilgreina þann virka hóp eða flokk sem á við um helstu virkni aukefnisins í fóðrinu sem um er að ræða.
8. Sá aðili, sem ber ábyrgð á merkingum, skal gera allar upplýsingar, sem varða samsetningu eða fullyrta eiginleika fóðursins sem hann setur á markað, aðgengilegar lögbærum yfirvöldum svo að hægt sé að sannreyna hvort upplýsingar í merkingunum séu réttar, þ.m.t. heildarupplýsingar um öll aukefni sem notuð eru.

II. kafli. Merking greiningarþátta eins og um getur í f-lið 1. mgr. 17. gr. og 1. mgr. 22. gr.

1. Greiningarþættir fóðurblöndu fyrir dýr sem gefa ekki af sér afurðir til manneldis skulu merktar eins og hér segir:

Fóður	Greiningarþættir	Markdýrategundir
Heilfóður	— Hráprótín	Kettir, hundar og loðdýr
	— Hrárefjar	Kettir, hundar og loðdýr
	— Jarðolía og feiti	Kettir, hundar og loðdýr
	— Hráaska	Kettir, hundar og loðdýr
Fóðurbættir — Steinefni	— Kalsíum	Allar tegundir
	— Natríum	Allar tegundir
	— Fosfór	Allar tegundir
Fóðurbættir — Annað	— Hráprótín	Kettir, hundar og loðdýr
	— Hrárefjar	Kettir, hundar og loðdýr
	— Jarðolía og feiti	Kettir, hundar og loðdýr
	— Hráaska	Kettir, hundar og loðdýr

2. Ef amínósýrur, vítamín og/eða snefilefni eru tilgreind undir fyrirsögninni greiningarþættir skal tilgreina þau ásamt heildarmagni þeirra.
3. Ef orkugildi og/eða prótingildi eru tilgreind skal slík tilgreining vera í samræmi við aðferð Bandalagsins, ef völ er á, eða viðeigandi opinbera, innlenda aðferð í aðildarríkinu þar sem fóðrið er sett á markað, ef völ er á.